

NEWS CLIPPING – PRESS

CLIENT: DSA EXHIBITION AND CONFERENCE

PUBLICATION: BERNAMA.COM SECTION: BERITA

DATE: MONDAY, 6 NOVEMBER 2017 PAGE NO.: 1 OF 1

CIRCULATION: ONLINE FREQUENCY: ONLINE

HEADLINE: PAMERAN PERTAHANAN DSA 2018 DIJANGKA TAMPIL 1,500 SYARIKAT



BERNAMA.com English | Malay | Mandarin | العربية | Español

TENTANG BERNAMA AM POLITIK EKONOMI SUKAN RENCANA DUNIA E-NEWSLETTER WEB TV ARKIB INFOGRAFIK

Breaking News / Berita Tergempar

Laman Mikro » Perbankan & Kewangan • Auto • Penerbangan • Maritim • Pendidikan • Hartanah • Bella • eBiz Berita Who's Who

[f](#) [G](#) [t](#) [+](#)

Pameran Pertahanan DSA 2018 Dijangka Tampil 1,500 Syarikat

Tarikh kemaskini: 06/11/2017

BANGKOK, 6 Nov (Bernama) -- Kementerian Pertahanan menjangkakan sebanyak 1,500 syarikat pertahanan dan keselamatan bakal menyertai Pameran Perkhidmatan Pertahanan Asia 2018 (DSA 2018) di Pusat Pameran dan Dagangan Antarabangsa Malaysia (MITEC), Kuala Lumpur pada 16 hingga 19 April tahun depan.

Timbalan Menteri Datuk Seri Mohd Johari Baharum berkata, dengan jangkakan sebanyak 1,500 penyertaan syarikat dalam dan luar itu, ia akan menjadikan DSA 2018 edisi terbaik dalam sejarah 30 tahun penganjuran pameran itu.

"Dengan kira-kira lima bulan sebelum berlangsungnya DSA 2018, pihak penganjur pameran telah menerima tempahan antara 800 hingga 1,000 syarikat setakat ini. Dengan kerja keras dan komitmen, matlamat menarik penyertaan 1,500 syarikat akan tercapai," katanya hari ini.

Beliau ditemui di pavilion DSA 2018 pada pameran pertahanan terulung Thailand, Defence and Security 2017 yang bermula hari ini hingga Khamis di Pusat Pameran Impact Arena di Muang Thong Thani di sini.

Pameran Defence and Security 2017 itu dirasmikan oleh Timbalan Perdana Menteri dan Menteri Pertahanan Thailand Jen Prawit Wongsuwan.

Menurut Johari lagi, edisi DSA 2016 dianggap terbaik dalam sejarah berikutan kejayaan syarikat penganjur menarik sebanyak 1,200 syarikat pertahanan dalam dan luar negara.

Pada DSA tahun depan itu, buat pertama kalinya ia akan diadakan di lokasi baru, Pusat Pameran dan Dagangan Antarabangsa Malaysia (MITEC).

Ia juga akan menampilkan segmen baru, Keselamatan Negara 2018 (NATSEC 2018) khusus bagi pameran berkaitan keselamatan dalam negeri.

Ditanya mengenai hubungan ketenteraan Malaysia dan Thailand, Johari berkata ia sangat baik dan merangkumi pelbagai bidang daripada latihan ketenteraan bersama, pertukaran maklumat, kawalan keselamatan di sempadan bersama dan banyak lagi.

Kini menurutnya, hubungan itu turut melibatkan kerjasama di dalam bidang industri pertahanan sebagaimana dilakukan oleh syarikat Deftech dengan Chaiseri dari Thailand.

-- BERNAMA